
OFFERYNNAU STATUDOL CYMRU

2005 No. 3364

Rheoliadau Tribiwnlysoedd Prisio (Cymru) 2005

RHAN I

Cyffredinol

Dehongliad

- 3.—(1) Yn y Rheoliadau hyn, oni fynna'r cyd-destun fel arall—
- ystyr “apêl” (“*appeal*”) yw apêl o dan—
 - (a) adran 16 (Apeliadau: cyffredinol) a pharagraff 3 o Atodlen 3 (cosbau) i Ddeddf 1992;
 - (b) rheoliadau a wnaed o dan adran 24 o Ddeddf 1992 (1);
 - (c) rheoliadau a wnaed o dan adran 55 o Ddeddf 1988(2);
 - (ch) paragraff 4 o Atodlen 4A (Rhybuddion i Gwblhau) i Ddeddf 1988 (a elwir yn y Rheoliadau hyn yn “apêl yn erbyn rhybudd i gwblhau”);
 - (d) paragraff 5C o Atodlen 9 (Cosbau Sifil) i Ddeddf 1988; ac
 - (dd) adran 45 o'r Ddeddf Draenio Tir 1991(3);
 - ystyr “ardal” (“*area*”) yng nghyswllt Tribiwnlys, yw'r ardal y sefydlir tribiwnlys ar ei chyfer gan reoliad 11;
 - ystyr “awdurdod bilio” (“*billing authority*”) yw awdurdod bilio fel y'i diffinnir yn adran 1(2) o Ddeddf 1992;
 - ystyr “Cadeirydd” (“*Chairperson*”) yw Cadeirydd Tribiwnlys Prisio a benodir o dan reoliad 15;
 - ystyr “cosb” (“*penalty*”) yw cosb a osodir o dan baragraff 1 o Atodlen 3 i Ddeddf 1992;
 - ystyr “Cyfarwyddwr” (“*Director*”) yw Cyfarwyddwr Cyngor Llywodraethu Gwasanaeth Tribiwnlys Prisio Cymru a benodir o dan reoliad 10;
 - ystyr “Cyngor Llywodraethu” (“*Governing Council*”) yw Cyngor Llywodraethu Gwasanaeth Tribiwnlys Prisio Cymru a sefydlwyd dan reoliad 6;
 - ystyr “Deddf 1988” (“*the 1988 Act*”) yw Deddf Cyllid Llywodraeth Leol 1988;
 - ystyr “Deddf 1992” (“*the 1992*”) yw Deddf Cyllid Llywodraeth Leol 1992;
 - ystyr “Dirprwy Gyfarwyddwr” (“*Deputy Director*”) yw Dirprwy Gyfarwyddwr Cyngor Llywodraethu Gwasanaeth Tribiwnlys Prisio Cymru a benodir o dan reoliad 10;
 - ystyr “Gwasanaeth Tribiwnlys Prisio Cymru” (“*Valuation Tribunal Service for Wales*”) yw'r Gwasanaeth Tribiwnlys Prisio Cymru a sefydlir o dan reoliad 5;
 - ystyr “hen Dribiwnlys” (“*old Tribunal*”) yw Tribiwnlys Prisio yng Nghymru a oedd yn bodoli yn union cyn 15 Chwefror 2006;

(1) *Gweler*O.S. 1993/290.
(2) *Gweler*O.S. 1993/291.
(3) 1991 p.59.

ystyr “hysbysiad am apêl” (“*notice of appeal*”) yw hysbysiad o dan reoliad 27(1);
ystyr “hysbysiad cwblhau” (“*completion notice*”) yw hysbysiad o dan Atodlen 4A i Ddeddf 1988 fel y'i cymhwysir at ddibenion Rhan 1 o Ddeddf 1992 (Treth Cyngor: Cymru a Lloegr);
ystyr “Llywydd” (“*President*”) yw Llywydd Tribiwnlys Prisio a benodir o dan reoliad 14;
ystyr “rhestr” (“*list*”) yw rhestr brisio a luniwyd o dan adran 22 o Ddeddf 1992;
ystyr “swyddog rhestru” (“*listing officer*”) mewn perthynas ag apêl, yw'r swyddog a benodir o dan adran 20 o Ddeddf 1992 ar gyfer yr awdurdod lle y saif yr annedd y mae'r apêl yn ymwneud â hi;
ystyr “Tribiwnlys” (“*Tribunal*”) yw aelodau Tribiwnlys a gynhaliwyd yn unol â Rhan 5 o'r Rheoliadau hyn at ddibenion penderfynu ar apêl; ac
ystyr “Tribiwnlys Arbennig” (“*Special Tribunal*”) yw Tribiwnlys a sefydlir o dan reoliad 25(5), (7) neu (8);
ystyr “Tribiwnlys Prisio” (“*Valuation Tribunal*”) yw Tribiwnlys Prisio a sefydlir o dan reoliad 11.

(2) Caiff unrhyw hysbysiad sydd i'w gyflwyno i unrhyw berson yn rhinwedd unrhyw ddarpariaeth yn y Rheoliadau hyn, gael ei gyflwyno drwy'r post.

(3) Mae'r cyfeiriadau at reoliadau ac Atodlenni yn gyfeiriadau at reoliadau ac Atodlenni i'r Rheoliadau hyn, oni nodir yn wahanol.